

Kongsi kepentingan air bersih

WAKE UP CAMBODIA bakal bina sistem, tangki air untuk komuniti Samretti Chey

Oleh Nor Azma Laila
norazma@bh.com.my

Kuala Lumpur: Bagi membantu menyediakan kemudahan air bersih kepada kumpulan minoriti Islam di Kampong Chhnang, Kemboja, sekumpulan pelajar Universiti Putra Malaysia (UPM) mengadakan program pengantarabangsaan ke negara berkenaan, baru-baru ini.

Program yang dikenali dengan nama *Water for Adults and Kids Educations by University Programme at Cambodia* (WAKE UP CAMBODIA), bertempat di perkampungan Muslim, Samretti Chey, Wilayah Kampong Chhnang, Kemboja itu berlangsung selama tiga hari dua malam.

Turut mendapat kerjasama daripada Fakulti Kejuruteraan UPM dan Pertubuhan Himpunan Lepasan Institusi Pendidikan Malaysia (HALUAN), program berkenaan dibahagikan kepada dua fasa pelaksanaan bagi memudahkan proses membina sumber air bersih kepada pendu-



Pelajar bersama pensyarah dari Fakulti Kejuruteraan UPM sedang memeriksa kualiti air yang disalurkan kepada penduduk.

duk setempat.

Pengarah program WAKE UP CAMBODIA, Nabil Iman Muzafar, berkata program itu diadakan bagi memberi pendidikan mengenai air kepada golongan dewasa dan kanak-kanak serta membina sistem dan tangki air bersih untuk kegunaan harian komuniti di Samretti Chey.

Beliau berkata, idea untuk merangka program berkenaan tercetus apabila beliau mendapati komuniti Samretti Chey menggunakan air sungai secara terus untuk keperluan harian termasuk sebagai sumber minuman.

Dari situ, saya menyedari perlunya ada kesedaran akan kepentingan pendidikan air bersih kepada komuniti, sekali gus melihat sendiri serta membuat pemerhatian mengenai keperluan membina kemudahan air

na satu sistem pemprosesan air bersih bagi kegunaan komuniti di situ.

“Sepanjang fasa pertama di perkampungan ini bersama wakil dari pihak HALUAN, saya dapat melaksanakan penyelidikan ringkas terhadap kualiti air yang digunakan oleh penduduk dengan sampel sudah dihantar ke makmal UPM untuk dianalisis,” katanya.

Seramai lapan peserta dari Malaysia menyertai delegasi ke Kemboja bagi fasa satu yang berfokus kepada pemindahan ilmu dan bengkel kepentingan air bersih kepada komuniti, sekali gus melihat sendiri serta membuat pemerhatian mengenai keperluan membina kemudahan air



Perjumpaan bersama wakil dari Pejabat Mufti Kemboja.

bersih untuk penduduk di Kampong Chhnang.

Fasa kedua pula akan berfokus kepada pembinaan sistem dan tangki air bersih untuk kegunaan komuniti di Samretti Chey oleh semua mahasiswa, fasilitator kumpulan, barisan pensyarah yang terbabit serta wakil mahasiswa dari Fakulti Kejuruteraan UPM.

Program Fasa Kedua akan diadakan pada 3 hingga 8 April ini dengan membawa misi membina sistem dan tangki air bersih.

Sementara itu, Penasihat program WAKE UP CAMBODIA, Nor Shaerah Abd Rasid, berkata program kesukarelawanan seperti itu dilihat amat penting bagi menghasilkan mahasiswa

yang sentiasa cakna terhadap kesusahan yang dihadapi masyarakat sama ada di dalam atau di luar negara.

Melalui program sebegini, mahasiswa dapat melaksanakan program pemindahan ilmu dengan menawarkan bidang kepakaran untuk berkongsi ilmu dan kepentingan air bersih kepada komuniti pada peringkat antarabangsa.

“Bagi orang ramai yang ingin menyalurkan bantuan serta sumbangan untuk menampung perbelanjaan program, boleh terus berhubung melalui alamat emel, kesukarelawanupm@gmail.com dan mengikuti perkembangan program di Instagram @wakeup-cambodia,” katanya.